



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XVII. Quod absens causa studii vel peregrinationis, vel alia certa causa
ante citationem excusatur, & de eo quod supra 6. Causae.

urn:nbn:de:hbz:466:1-15588

ANNO
CHRISTI
1179. staret eum per vim T. clerici, metu regio cooperante, ecclesiam de Gitebergia, quam se asserit per annos pacifice possedisse, iampridem iuramento praestito refutasse, eamdem ecclesiam ei restitueres. Prædictus vero T. alias literas a nobis posterius impetratas, ad alios iudices super eodem negotio reportauit, & sic causa ipsa sub vestro non fuit examine terminata. Mandamus itaque fraternitati vestræ atque prudentiæ, quatenus non obstantibus literis a memorato T. posterius impetratis, nisi ibi contineatur * expressum, quod causam ipsam vestro iudicio subtraherimus, utramque partem ante vos conuocetis, & eidem cause iuxta tenorem alterarum literarum nostrarum, sublato appellationis remedio, non differatis debitum finem imponere.

C A P. XVI. *Idem * Lexonienſi archiepiscopo.*

In literis quas tua nobis destinauit fraternitas, quæſtiones quasdam inseruisti, super quibus solutionem tibi a nobis postulas exhiberi: quarum siquidem una est, scilicet, utque ad quod tempus iudex delegatus se possit interponere, ut stetur rei iudicata vel transactioni. Su- Semel officio suo functū de cetero non fungi.

C A P. XVII. *Idem abbatii sancti Albani.*

Consultationibus singulorum ex ministerio suscepτæ seruitutis cogimur respondere, ut si quid dubietatis vel quæſtionis in mentem alicuius emerſerit, ab ecclesia Ro- mana soluatur, quæ inter alias, disponente Domino, ob- tinere meruit principatum. Quæſitum est siquidem a vo- bis, ut si quis ecclesia vel possessione aliqua se affue- rans absque iudicio & causa rationabili spoliatum, & a nobis ad iudices literas obtinuerit, ut infra certum tem- pus restituatur sibi possessio: si constiterit iudici, eum esse taliter spoliatum, possessio debet ei restitui, cum is quite- net ecclesiam, vel postquam ipſe requirit, antequam de literis aliqua mentio fieret, studiorum, peregrinationis,

Concil. Tom. 27.

Z z z

vel alia huiusmodi causa se absentauerit, num infra præfixum tempus iudici possit suam præsentiam exhibere. Super quo itaque inquisitioni tuæ taliter respondemus, quod nec debet, nec potest testimonium habere, quamuis paratus sit coram iudice delegato testibus idoneis possessionem & deiectionem suam probare: nisi is qui possidet, terminum prorogauerit. Exspirat enim iurisdictio sua, quia si ne consensu vtriusque partis non licet iudici terminum prorogare aliquatenus præfixum a delegatore.

C A P. XVIII. *Idem R. Cantuariensi archiepiscopo.*

Ex parte venerabilis fratri nostri Couentrensis episcopi, auribus nostris est intimatum, quod cum de causa quæ inter G. & F. clericum super præbenda de Norbale diligenter cognouisset, & eidem G. secundum tenorem literarum nostrarum, in quibus continebatur, quod si constaret prædictum F. de periurio esse conuictum, & perpetuo illi præbendæ renuntiasse, ab eadem præbenda, appellatione cessante, amoueretur. Eoque cognito & probato, cum prælibatam præbendam G. adiudicasset, prædictus F. in vocem appellationis prorupit, & ad nos veniens, secundum hunc tenorem literas reportauit, quod ei præcise & absque causæ cognitione restitueres, & ipsum qui post appellationem eum præbenda spoliavit, auctoritate alicui beneficium auferendi, appellatione cessante, priuares, donec per se vel per nuntium, aut per literas suas satisfacturus, ad sedem apostolicam accederet, & prænominatum G. si eumdem F. super iam dicta præbenda præsumeret molestare, vinculo excommunicationis usque ad dignam satisfactionem adstringeret.

Subintelligendā conditionem, si preces veritate nitantur. Vnde quia non credimus nos ita præcise scripsisse, & si taliter scripsimus, hoc ex nimia occupatione contingit, & in huiusmodi literis intelligenda est conditio, etiamsi non apponatur, si preces veritate nitantur, fraternitati tuæ taliter, &c. quatenus inspecto tenore literarum, quas prædicto episcopo direximus, si inuenieris quod secundum prædictum modum ei scripsimus, & in literis quas præfatus F. reportauit, non fuit habitamentio priorum literarum, sententiam præfati episcopi, omni contradictione & appellatione cessante, confirmes,